



# ԶԻՆԱՊԱՀ

ԶԻՆՏԱՌԱՅՈՂՆԵՐԻ ԱՊԱՅՈՎԱԳՐՈՒԹՅԱՆ  
ԱԶԳԱՅԻՆ ՀԻՄՆԱԴՐԱՄ

ՄԻԱՍԻՆ՝  
ԶԻՆՎՈՐԻՍ  
ԿՈՂՔԻՆ...

2026թ. 1-ին ԵՌԱՄՍՅԱԿԻ  
ՀԱՇՎԵՏՎՈՒԹՅՈՒՆ



DONATE

zinapah.am

# ԲՈՎԱՆԴԱԿՈՒԹՅՈՒՆ

- ԶԻՆԱՊԱՀԻ կառավարումը և ֆինանսական վերլուծությունը
- Կառավարման մարմինը և գործադիր թիմը
- Զարգացում և ֆինանսական անկախություն
- Ամփոփ պատմությունը, առաքելությունը, տեսլականը և արժեքները
- Գլխավոր գործադիր տնօրենի ուղերձը
- Գործառնությունները 2017 - 2026թթ.
- Շահառուները և վճարված հատուցումները
- Շահառուներին միտված աջակցման ծրագրեր և համագործակցություն



**Հոգաբարձուների խորհուրդ**



**Իրինա Սեյլանյան**  
Խորհրդի նախագահ



**Շոգեֆ Սիմոնյան**  
Խորհրդի անդամ



**Անահիտ Աղամյան**  
Խորհրդի անդամ



**Դավիթ Հակոբյան**  
Խորհրդի անդամ



**Լարա Չոլակյան**  
Խորհրդի անդամ



**Հասմիկ Եղյան**  
Խորհրդի անդամ

**Թիմ**



**Կարինե Սարգսյան**  
Գլխավոր գործադիր տնօրեն



**Կարեն Սահակյան**  
Ներքին աուդիտ



**Գոհար Արահամյան**  
Գործառնական տնօրեն



**Արմինե Վարդանյան**  
Ֆինանսական տնօրեն



**Սմբատ Սահյան**  
Հատուցումների գծով տնօրեն



**Լիլյա Գրիգորյան**  
Հանրային կապերի և հաղորդակցության տնօրեն



**Մարիանա Հարությունյան**  
Ծրագրերի ղեկավար



**Հրաչիկ Ավթանդիլյան**  
Հատուցումների համակարգող



**Արմինե Չարգարյան**  
Սոցիալական ծրագրերի համակարգող



**Ֆելիքս Չիլինգարյան**  
Պորտֆելի կառավարիչ



**Լիլիթ Ղաբուզյան**  
Հաշվետար



**Վազգեն Մարտիրոսյան**  
SS ծրագրի մենեջեր



**Մարի Բոյաջյան**  
Գնումների և դրոշմ վճարների վերադարձի համակարգող



**Ռիմմա Հարությունյան**  
Ադմինիստրատիվ օգնական



## ԶԻՆԱՊԱՅԻ

Զինձառայողների ապահովագրության ազգային հիմնադրամը հիմնադրվել է 2017թ.՝ ապահովելու կայուն հատուցումներ՝ զոհված և անհայտ բացակայող զինձառայողների ընտանիքների, ինչպես նաև ծանր և խորը ֆունկցիոնալ սահմանափակմամբ (1-ին և 2-րդ խմբի զինհաշմանդամություն ունեցող) զինձառայողների բարեկեցության ապահովմանը, ովքեր պաշտպանել են հայրենիքը և նրա սահմանները՝ ապագա սերունդների խաղաղության և անվտանգության համար:

ԶԻՆԱՊԱՅԻ ապաքաղաքական կառույց է, կառավարվում է [անկախ Զոգաբարձուների խորհրդի կողմից](#) և գործում է համաձայն [ՀՀ օրենքի](#):

ԶԻՆԱՊԱՅԻ եզակի հիմնադրամ է տարածաշրջանում, որի շրջանակներում Հայաստանի յուրաքանչյուր աշխատող քաղաքացի պարտադիր վճար է կատարում իր աշխատավարձից: ԶԻՆԱՊԱՅԻ համահայկական նախաձեռնություն է, որի նպատակն է ապահովել կյանքը և առողջությունը հանուն Հայաստանի անվտանգության զոհաբերած զինձառայողների և նրանց ընտանիքների բարեկեցությունը:

## ԶԻՆԱՊԱՅԻ միջոցները գոյանում են՝

- ✔ **Հայաստանի հարկատուների կողմից կատարվող դրոշմանիշային պարտադիր ամսական վճարներից՝ 1,000 կամ 15,000 ՀՀ դրամ** (կախված եկամտի չափից)
- ✔ **Հայաստանից և աշխարհից ստացվող նվիրատվություններից**
- ✔ **ԶԻՆԱՊԱՅԻ ակտիվների կառավարման արդյունքում ստացված եկամուտներից**

ԶԻՆԱՊԱՅԻ կառավարման բարձրագույն մարմինը Զոգաբարձուների խորհուրդն է, որը կազմված է բարձր հեղինակություն վայելող փորձառու մասնագետներից՝ ֆինանսների և բանկային գործի, բիզնեսի, ճգնաժամային կառավարման, դրամահավաքի և ակտիվների կառավարման ոլորտներում: ԶԻՆԱՊԱՅԻ գործառնական կառավարումը իրականացվում է բարձր մոտիվացիայով և փորձառու գործառնական թիմի կողմից:

**ԶԻՆԱՊԱՅԻ** կայքը արտացոլում է բոլոր ֆինանսական հոսքերը՝ նվիրատվությունները և պարտադիր վճարները, ինչպես նաև հրապարակում է շահառուների ցանկը և կատարված հատուցումները: ԶԻՆԱՊԱՅԻ կայքում հրապարակվում են նաև [գլխավոր գործադիր տնօրենի եռամսյակային, տարեկան հաշվետվությունները](#) և աշխարհի լավագույն 10 աուդիտորական ընկերություններից մեկի կողմից իրականացված [Տարեկան աուդիտի հաշվետվությունը](#):

## ԱՌԱՔԵԼՈՒԹՅՈՒՆԸ

Համախմբել ազգին՝ կանգնելու զինձառայողների և նրանց ընտանիքների կողքին՝ ապահովելու նրանց ֆինանսական կայունությունը և արժանապատիվ կյանքը:

## ՏԵՏԼԱԿԱՆԸ

Լինել սոցիալապես պատասխանատու հիմնադրամ զինձառայողների համար, որն իր մեջ ներառում է պարտադիր և կամավոր ապահովագրական հատուցումները:

## ԱՐՇԵՆԵՐԸ

ԹԱՓԱՆՑԻԿՈՒԹՅՈՒՆ, ՀԱՇՎԵՏՎՈՂԱԿԱՆՈՒԹՅՈՒՆ, ԲԱՐԵՎԱՐՔՈՒԹՅՈՒՆ

Այսօր մեր պարտքն է կանգնել զոհված, անհայտ բացակայող և հաշմանդամ դարձած մեր զինձառայողների և նրանց ընտանիքների կողքին:



2017 թվականին հիմնադրման պահին ԶԻՆԱՊԱՅԻ կառավարումն իրականացվում էր կամավորական հիմունքներով Հայաստանի Հանրապետության Կենտրոնական բանկի կողմից՝ ապահովելով հիմնադրամի գործունեության սկզբնական փուլում բարձր ինստիտուցիոնալ վերահսկողություն և կայունություն: 2021 թվականից սկսած ԶԻՆԱՊԱՅԻ մեկնարկել կառավարման մոդելի փուլային անցումը Կենտրոնական բանկի համակարգից դեպի լիարժեք անկախ իրավաբանական անձ՝ ձևավորելով սեփական գործառնական, ֆինանսական և տեխնոլոգիական ենթակառուցվածքները: Այս անցումը կարևոր փուլ էր հիմնադրամի ինստիտուցիոնալ ինքնավարության, կառավարման կարողությունների և երկարաժամկետ կայունության ամրապնդման ճանապարհին:

## Թիմ և կառավարման կառուցվածք

ԶԻՆԱՊԱՅԻ կառավարումն իրականացվում է անկախ կառավարման մարմնի՝ **յոթ անդամից բաղկացած Հոգաբարձուների խորհրդի** կողմից, որն ապահովում է ռազմավարական ուղղորդում և ինստիտուցիոնալ վերահսկողություն: Հիմնադրամի առօրյա գործունեությունն իրականացվում է **14 աշխատակիցներից բաղկացած գործադիր թիմի** կողմից:

Հաշվետու ժամանակահատվածում շարունակվել են կազմակերպական վերակազմավորման գործընթացները՝ նպատակ ունենալով ամրապնդել ԶԻՆԱՊԱՅԻ հիմնական կարողությունները որպես ֆինանսական կառույց՝ միաժամանակ ընդլայնելով նրա դերը սոցիալական ծրագրերի իրականացման ոլորտում՝ ՀՀ կառավարության հետ սերտ համագործակցությամբ: Միաժամանակ ներդրվել է աշխատակիցների զարգացման և գնահատման համակարգ՝ կիրառելով Teamflect թվային հարթակը, որը հնարավորություն է տալիս կառուցվածքային ձևով իրականացնել նպատակների սահմանում, կատարողականի մշտադիտարկում և թիմի մասնագիտական զարգացում:

## Գործառնական գործընթացներ և ծառայությունների արտապատվիրակում

2025թ. ԶԻՆԱՊԱՅԻ վերսկսել է իր հանրային իրազեկման և հաղորդակցության արշավը՝ նպատակ ունենալով բարձրացնել թափանցիկությունը, հանրային ներգրավվածությունը և շահառուների իրազեկվածությունը:

Մինևույն ժամանակ ընթացքի մեջ է գտնվում 2025թ. աուդիտը, ինչը համահունչ է ԶԻՆԱՊԱՅԻ հաշվետվողականության և բարեվարք կառավարման սկզբունքներին:

Գործառնական արդյունավետությունն ու ծախսարդյունավետությունն ապահովելու նպատակով ԶԻՆԱՊԱՅԻ շարունակել է կիրառել արտապատվիրակման ծառայություններ հետևյալ հիմնական ուղղություններով՝

- ✔ **Մարդկային ռեսուրսների կառավարում**
- ✔ **Տեղեկատվական անվտանգության ծառայություններ**
- ✔ **Հաշվապահական ծառայություններ**
- ✔ **Իրավաբանական խորհրդատվական ծառայություններ**
- ✔ **Զանգերի կենտրոնի գործունեություն**

Այս մոտեցումը հիմնադրամին հնարավորություն է տալիս պահպանել համեմատաբար ճկուն ներքին կառուցվածք՝ միաժամանակ ապահովելով բարձրորակ ծառայությունների մատուցում:

## Միգրացիա և ենթակառուցվածքների զարգացում

ԶԻՆԱՊԱՅԻ շարունակել է իր անցումը դեպի լիարժեք գործառնական անկախություն: Ավարտվել է [zinapah.am](http://zinapah.am) կայքի գործարկումը, և ներկայում շարունակվում են տեխնիկական խնդիրների կարգավորման ու օգտատերերի փորձի բարելավման աշխատանքները: Միաժամանակ մեկնարկել են հատուցումների համակարգի ֆինանսական ենթակառուցվածքների մշակման աշխատանքները, որոնց տեխնիկական առաջադրանքը ներկայում մշակման փուլում է: Նախաձեռնությունը կարևոր քայլ է հատուցումների գործընթացների հետագա ավտոմատացման, ճշգրտության և մասշտաբայնության ապահովման ուղղությամբ:

## Օրենսդրական փոփոխություններ

ՀՀ աշխատանքի և սոցիալական հարցերի նախարարության հետ համագործակցության շրջանակում ԶԻՆԱՊԱՅԻ շարունակել է աշխատանքները օրենսդրական նախաձեռնության շուրջ, որի նպատակն է ամրապնդել հաշմանդամություն ունեցող զինծառայողների աջակցության մեխանիզմները: Ներկայում մշակման փուլում են համապատասխան օրենսդրական փոփոխություններ, որոնք միտված են գործառնական գործընթացների կատարելագործմանը և ակնկալվում է, որ կնպաստեն շահառուների երկարաժամկետ պաշտպանության և սոցիալական ներառման բարձրացմանը:





**Կարինե Սարգսյան**  
Գլխավոր գործադիր տնօրեն

## Հարգելի ՁԻՆԱՊԱՅԻ համայնք,

Ամփոփելով 2026թ. ԵՌ-1-ը՝ պատիվ ունեմ ներկայացնելու ՁԻՆԱՊԱՅԻ Ձինծառայողների ապահովագրության ազգային հիմնադրամի գործունեության վերաբերյալ հերթական հաշվետվությունը: Այս ժամանակահատվածը ևս մեկ անգամ արտացոլում է ինչպես հիմնադրամի ինստիտուցիոնալ կայացվածությունը, այնպես էլ մեր շարունակական պատասխանատվությունը հայրենիքի անվտանգության համար իրենց կյանքն ու առողջությունը զոհաբերած զինծառայողների և նրանց ընտանիքների հանդեպ:

2017թ. հիմնադրումից ի վեր ՁԻՆԱՊԱՅԻ ձևավորվել և կայացել է որպես համազգային նշանակության յուրահատուկ կառույց՝ հիմնված բարեվարքության, հաշվետվողականության և թափանցիկության սկզբունքների վրա: 2017-2026թթ. ԵՌ 1-ի դրությամբ հիմնադրամը հատուցումներ է տրամադրել 5,511 շահառուի՝ ապահովելով կայուն ֆինանսական աջակցություն զոհված, անհայտ բացակայող ճանաչված զինծառայողների ընտանիքներին, ինչպես նաև ծանր և խորը ֆունկցիոնալ սահմանափակում ունեցող

զինծառայողներին: 2026 թ. ԵՌ 1-ում աջակցություն է տրամադրվել 1 նոր դեպքի, ինչը ևս մեկ անգամ վերահաստատում է մեր անսասան հանձնառությունը շահառուների հանդեպ:

Եթե 2025 թվականը նշանավորվեց ՁԻՆԱՊԱՅԻ ֆինանսական դիրքերի էական ամրապնդմամբ, ապա 2026 թ. ԵՌ 1-ը կարելի է բնութագրել որպես կառուցվածքային փոփոխությունների շրջան: Եռամսյակի ընդհանուր եկամուտը կազմել է 11.4 միլիարդ ՀՀ դրամ՝ նախորդ տարվա նույն ժամանակահատվածի համեմատ արձանագրելով 27% նվազում, ինչը հիմնականում պայմանավորված է պարտադիր դրոշմանիշային վճարների դրույքաչափերի փոփոխություններով: Չնայած որ 2025 թվականի դեկտեմբերից վերանայվել են պարտադիր դրոշմանիշային վճարների դրույքաչափերը, ցանկանում եմ վերահաստատել, որ ՁԻՆԱՊԱՅԻ շարունակում է գործել ֆինանսապես կայուն հիմքերի վրա, իսկ շահառուներին հատուցումների տրամադրումը շարունակվում են ամբողջ ծավալով, անխափան կերպով և օրենքով սահմանված ժամկետների և ընթացակարգերի համաձայն:

Միաժամանակ ակտիվների կառավարման եկամուտները շարունակել են ցուցաբերել կայուն աճ՝ տարեկան կտրվածքով աճելով 29%-ով և հասնելով շուրջ 3.7 միլիարդ ՀՀ դրամի: Դրանց մասնաբաժինը ընդհանուր եկամուտների կառուցվածքում կազմել է մոտ 32%՝ առավել ամրապնդելով հիմնադրամի անցումը դեպի ավելի կապիտալախեն և երկարաժամկետ կայուն ֆինանսական մոդելի: Հատկանշական է, որ ներկայումս ՁԻՆԱՊԱՅԻ ավելի քան 150 միլիարդ ՀՀ դրամ ընդհանուր ակտիվներ գտնվում են կառավարման ներքո: Նվիրատվությունների ծավալը կազմել է 15 միլիոն ՀՀ դրամ՝ արտացոլելով հետճանաչման ժամանակաշրջանին բնորոշ ընդհանուր կայունացման միտումները:

Չնայած եկամուտների նվազմանը՝ ֆինանսական կարգապահությունը պահպանվել է բարձր մակարդակով: Ընդհանուր ծախսերը կազմել են 4.8 միլիարդ ՀՀ դրամ՝ մնալով ընդհանուր առմամբ կայուն նախորդ տարվա նույն ժամանակահատվածի համեմատ, ընդ որում հատուցումները կազմել են ընդհանուր ծախսերի 98%-ը:

Սա վերահաստատում է, որ ՁԻՆԱՊԱՅԻ շարունակում է հետևողականորեն և պատասխանատվությամբ իրականացնել իր հիմնական օրենքով սահմանված առաքելությունը:

Թեև օրենսդրական փոփոխությունները ազդեցություն են ունեցել հիմնադրամի հիմնական ֆինանսավորման աղբյուրների վրա, ակտիվների կառավարման եկամուտների աճող դերը և ծախսերի արդյունավետ կառավարումը շարունակում են ապահովել հատուցումների կայունությունն ու կանխատեսելիությունը:

Ֆինանսական աջակցությունից բացի, ՁԻՆԱՊԱՅԻ շարունակում է ընդլայնել իր սոցիալական ներգրավվածությունն ու շահառուների աջակցության համակարգը: Պետական մարմինների, հիմնադրամների և հասարակական կազմակերպությունների հետ համագործակցության շրջանակում մենք շարունակաբար աջակցում ենք շահառուներին կրթության, զբաղվածության, վերականգնողական ծառայությունների, հոգեբանական աջակցության և հասարակական ինտեգրման ուղղություններով: Շարունակական նախաձեռնությունները՝ ներառյալ շահառուների հետ հանդիպումները, կրթական ծրագրերը և zinapah.am կայքի թվային հարթակների զարգացումը, արտացոլում են մեր համոզմունքը, որ երկարաժամկետ աջակցությունը չի սահմանափակվում միայն ֆինանսական հատուցմամբ, այլ ներառում է նաև հնարավորություններ և ներառականություն մեր շահառուների համար:

Մինչ ՁԻՆԱՊԱՅԻ շարունակում է իր անցումը դեպի առավել կայուն ինստիտուցիոնալ մոդելի, մեր հիմնարար արժեքները մնում են անփոփոխ՝ թափանցիկություն, հաշվետվողականություն և բարեվարքություն: Այս սկզբունքներն են ընկած մեր յուրաքանչյուր որոշման և մեզ վստահված յուրաքանչյուր դրամի կառավարման հիմքում:

Խորին շնորհակալություն եմ հայտնում Հայաստանի աշխատող քաղաքացիներին, որոնց պարտադիր վճարներն այս համազգային համակարգի հիմքն են, մեր նվիրատուներին և գործընկերներին՝ շարունակական վստահության և համագործակցության համար, ինչպես նաև ՁԻՆԱՊԱՅԻ գործադիր թիմին և հոգաբարձուների խորհրդին՝ իրենց առաջնորդության, պրոֆեսիոնալիզմի և ամենօրյա նվիրումի համար:

Միասին մենք ոչ միայն հարգանքի տուրք ենք մատուցում մեր շահառուներին, այլ նաև կառուցում ենք ավելի կանխատեսելի, աջակցող և համախմբված ապագա Հայաստանի և մեր ժողովրդի համար:

**Հարգանքով**  
**Կարինե Սարգսյան**  
**Գործադիր տնօրեն**  
**ՁԻՆԱՊԱՅԻ**



# ԶԻՆԱՊԱՅԻ գործառնությունները 2017-2026թթ. ԵՌ 1 Սահող գնահատականով (ՍԳ)



2026թ. ԵՌ 1-ի կանխատեսվող արդյունքների համաձայն՝ ԶԻՆԱՊԱՅԻ ֆինանսական ցուցանիշները, նախորդ տարվա նույն ժամանակահատվածի համեմատ, ակնկալվում է, որ կարտացոլեն **ընդհանուր եկամուտների ժամանակավոր նվազում**՝ զուգորդված **ընդհանուր ծախսերի չափավոր աճով**: Ընդհանուր եկամուտները կանխատեսվում է, որ **կնվազեն 45%-ով**, ինչը հիմնականում պայմանավորված է **պարտադիր վճարների կառուցվածքի և ծավալների վրա ազդեցություն ունեցած օրենսդրական փոփոխություններով (-60% նախորդ տարվա համեմատ)**, մինչդեռ նվիրատվությունների հոսքերը ակնկալվում է, որ կշարունակեն իրենց **աստիճանական կայունացման միտումը (-14%)**:

Միևնույն ժամանակ, **ակտիվների կառավարման եկամուտները** կանխատեսվում է, որ կշարունակեն ցուցաբերել դրական դինամիկա՝ **աճելով 16%-ով** և էապես ամրապնդելով իրենց դերը ընդհանուր ֆինանսավորման կառուցվածքում: Դրանց մասնաբաժինը ընդհանուր եկամուտների մեջ կանխատեսվում է, որ **կհասնի շուրջ 42%-ի (2025 թվականի 20%-ի դիմաց)**, ինչը վկայում է **կապիտալահեն եկամուտների աճող կարևորության** մասին՝ հիմնադրամի երկարաժամկետ կայունության ապահովման համատեքստում: Արդյունքում, չնայած մուտքերի տատանումներին, ֆինանսավորման կառուցվածքը ակնկալվում է, որ կշարունակի զարգանալ դեպի **առավել կայուն և կառուցվածքային առումով հավասարակշռված մոդելի**:

Ընդհանուր ծախսերը կանխատեսվում է, որ **կաճեն 9%-ով**, հիմնականում պայմանավորված **հատուցումների ծավալի 4% աճով**, ինչը արտացոլում է հիմնադրամի հիմնական պարտավորությունների շարունակական և հետևողական իրականացումը: **Վարչական և գործառնական ծախսերը** կանխատեսվում է, որ կմնան **վերահսկելի և համաչափ գործառնական պահանջներին**:

Ընդհանուր առմամբ, 2026 թվականի ԵՌ 1-ը ակնկալվում է, որ կարտացոլի ԶԻՆԱՊԱՅԻ շարունակական անցումը դեպի **առավել դիմակայուն, կապիտալահեն և կայուն ֆինանսական համակարգի**, որտեղ **ակտիվների կառավարման եկամուտների աճող դերը և կարգապահ ֆինանսական կառավարումը** շարունակում են աջակցել հիմնադրամի **երկարաժամկետ կայունությանը**:

Մլն, ՀՀ դրամ	2017-2020***	2021	2022	2023	2024	2025	2026 ՍԳ	2017-2026 ՍԳ	2026թ. 2025-ի համեմատ	% հարաբ. 2025	% հարաբ. 2026
Եկամուտ պարտադիր վճարներից	30,914	29,072	35,274	43,199	45,393	49,171	19,494	252,518	-60%	79%	57%
Նվիրատվություններ	7,280	1,290	508	273	171	106	92	9,721	-14%	0.17%	0.27%
Կամուրջ նվիրատվություն* ՀՀԿԲ**	1,000	1,510	239	237	86	77	73	3,221	-5%	0.12%	0.21%
Ակտիվների կառավարում	-	301	-	-	-	-	-	301	NA	NA	NA
Այլ եկամուտներ տուգանքներից	4,970	1,841	3,256	5,944	9,339	12,570	14,519	52,440	16%	20%	42%
	-	0.24	0.19	0.26	0.29	0.58	0.09	2	-85%	0.0009%	0.0003%
<b>ԸՆԴԱՄԵՆԸ ԵՎԱՄՈՒՏ</b>	<b>44,164</b>	<b>34,015</b>	<b>39,278</b>	<b>49,654</b>	<b>54,990</b>	<b>61,925</b>	<b>34,178</b>	<b>318,203</b>	<b>-45%</b>	<b>100%</b>	<b>100%</b>
Հատուցումներ	9,664	44,484	16,878	14,747	21,489	19,181	20,042	146,484	4%	98%	94%
Վարչական ծախսեր	-	-	246	267	316	332	369	1,530	11%	2%	2%
Գործառնական ծախսեր	-	149	21	25	34	44	859	1,133	1845%	0.23%	4%
<b>ԸՆԴԱՄԵՆԸ ԾԱԽՍԵՐ</b>	<b>9,665</b>	<b>44,633</b>	<b>17,146</b>	<b>15,039</b>	<b>21,838</b>	<b>19,557</b>	<b>21,269</b>	<b>149,147</b>	<b>9%</b>	<b>100%</b>	<b>100%</b>

\*Կամուրջ - ՀՀ կառավարության կողմից ֆինանսավորվող ծրագիր՝ նախքան ԶԻՆԱՊԱՅԻ շահառու դառնալը ծանր վիրավորված կամ անհետ կորած զինծառայողներին հատուցում տալու համար: 2020 թվականի դեկտեմբերից սկսած այս ծրագրով ամսական 300,000 ՀՀ դրամի չափով հատուցումներ են իրականացվում իրավասու շահառուներին:

\*\* ՀՀ Կենտրոնական բանկի (ՀՀԿԲ) ներդրում - 2021թ. ընթացքում կատարված բոլոր ծախսերը ֆինանսավորել է ՀՀ Կենտրոնական բանկը: Ֆինանսավորումը կարգավորվում է օրենքով և նախկինում հաստատվել է ԿԲ Խորհրդի կողմից:

\*\*\* Ներառում է 2008-2016թթ. դեպքերի մասով հատուցումները




Գրաֆիկը ներկայացնում է ԶԻՆԱՊԱՅԻ ֆինանսական մոդելի զարգացումը **2017 թվականից մինչև 2026 թվական ՍԳ-ով**՝ անդրադառնալով ինչպես նախորդ տարիներին, այնպես էլ ընթացիկ կառուցվածքային փոփոխություններին: 2020–2021 թվականների շահառուների թվի աճից հետո, որը պայմանավորված էր աշխարհաքաղաքական իրադարձություններով, ԶԻՆԱՊԱՅԻ մուտք է գործում **կայունացման և կառուցվածքային հավասարակշռման փուլ**, որը բնութագրվում է եկամուտների առավել հավասարակշռված դինամիկայով և վերահսկվող ծախսերով՝ չնայած պարտադիր վճարների մուտքերի նվազմանը:

2022 թվականից սկսած ընդհանուր եկամուտները շարունակաբար գերազանցել են ընդհանուր ծախսերը՝ արտացոլելով **ֆինանսական կարգապահության ամրապնդումը** և ֆինանսական հոսքերի առավել կանխատեսելի կառուցվածքը: Այս միտումն առավել արտահայտված էր 2025 թվականին, երբ ընդհանուր եկամուտները հասել էին **61.9 միլիարդ ՀՀ դրամի**, իսկ ընդհանուր ծախսերը կազմել էին **19.6 միլիարդ ՀՀ դրամ**:

2026 թվականի սահող գնահատականի համաձայն ակնկալվում է եկամուտների և ծախսերի միջև տարբերության նվազում՝ պայմանավորված **պարտադիր դրոշմանիշային վճարների մուտքերի կրճատմամբ**: Ընդհանուր եկամուտները գնահատվում են շուրջ **34.2 միլիարդ ՀՀ դրամ**, ինչի վրա հիմնական ազդեցություն ունեցել են պարտադիր վճարների կառուցվածքին վերաբերող օրենսդրական փոփոխությունները, մինչդեռ ընդհանուր ծախսերը կանխատեսվում է, որ չափավոր կաճեն՝ **19.5 միլիարդ ՀՀ դրամից հասնելով 21.3 միլիարդ ՀՀ դրամի**:

Չնայած համակարգային փոփոխություններին՝ ընդհանուր միտումը շարունակում է արտացոլել ԶԻՆԱՊԱՅԻ անցումը դեպի **ավելի կայուն և կապիտալազիտ ֆինանսական համակարգի**: Եկամուտների և ծախսերի միջև պահպանվող դրական տարբերությունը վերահաստատում է հիմնադրամի կարողությունը՝ շարունակաբար և կայուն կերպով կատարել իր երկարաժամկետ պարտավորությունները:



# ԶԻՆԱՊԱՅԻ 2025-2026թթ. ԵՌ 1-երի ֆինանսական կատարողականի համեմատություն

2026թ ԵՌ 1-ում ԶԻՆԱՊԱՅԻ ֆինանսական ցուցանիշներն արտացոլում են **եկամուտների առավել սահմանափակ միջավայր՝ զուգորդված ծախսերի կայուն մակարդակով՝** 2025 թ. ԵՌ 1-ի համեմատ: Ընդհանուր եկամուտները նվազել են **27%-ով**, ինչը հիմնականում պայմանավորված է **պարտադիր վճարների 39% նվազմամբ՝** արտացոլելով դրանց կառուցվածքի և ծավալների վրա ազդեցություն ունեցած վերջին օրենսդրական փոփոխությունները: Նվիրատվությունները ևս նվազել են **55%-ով՝** շարունակելով պահպանել իրենց **սահմանափակ և լրացուցիչ դերը** ընդհանուր ֆինանսավորման կառուցվածքում:

Միևնույն ժամանակ, **ակտիվների կառավարման եկամուտները** աճել են **29%-ով՝** կազմելով ընդհանուր եկամուտների **32%-ը (2025 թ. ԵՌ 1-ի 18%-ի համեմատ)** և առավել ամրապնդելով իրենց դերը որպես հիմնադրամի ֆինանսական կայունության առանցքային բաղադրիչ: Թեև պարտադիր վճարները շարունակում են մնալ ֆինանսավորման ամենախոշոր աղբյուրը՝ կազմելով ընդհանուր եկամուտների **67%-ը**, եկամուտների կառուցվածքը շարունակաբար զարգանում է դեպի **ավելի դիվերսիֆիկացված և կապիտալահեն մոդել:**

Ծախսերը մնացել են ընդհանուր առմամբ կայուն՝ արձանագրելով **1% նվազում**՝ նախորդ տարվա նույն ժամանակահատվածի համեմատ: Հատուցումները, որոնք կազմում են ընդհանուր ծախսերի **98%-ը**, նվազել են **2%-ով**, ինչը պայմանավորված է հատուցման նոր դեպքերի նվազմամբ՝ **2025 թվականի 9 դեպքի համեմատ՝ 2026թ. ԵՌ 1-ում արձանագրված 1 դեպքով:** Միաժամանակ վարչական և գործառնական ծախսերը չափավոր աճել են, սակայն շարունակում են մնալ **վերահսկելի և համաչափ գործառնական պահանջներին:**

Ընդհանուր առմամբ, 2026 թ. ԵՌ-ը արտացոլում է ԶԻՆԱՊԱՅԻ շարունակական անցումը դեպի **ավելի կապիտալահեն և կայուն ֆինանսական համակարգի**, որտեղ **ակտիվների կառավարման աճող դերը և համակարգված ծախսերի կառավարումը** շարունակում են ապահովել հիմնադրամի երկարաժամկետ կայունությունը՝ նույնիսկ հիմնական ֆինանսավորման աղբյուրներում տեղի ունեցող կառուցվածքային փոփոխությունների պայմաններում:

ՄԼՆ, ԴՐԱՄ	2025 ԵՌ1	2026 ԵՌ1	ԵՌ1'26 ԵՌ1'25-ի համեմատ	% հարաբ. ԵՌ1 2025	% հարաբ. ԵՌ1 2026
Եկամուտ պարտադիր վճարներից	12,679	7,683	-39%	81%	67%
Նվիրատվություններ	34	15	-55%	0.2%	0.1%
Կամուրջ նվիրատվություն*	7	19	186%	0.04%	0.2%
ՀՀԿԲ**	-	-	NA	0%	0%
Ակտիվների կառավարում	2,848	3,669	29%	18%	0.001%
Այլ եկամուտներ տուգանքներից	0.09	0.09	0%	0.001%	0.001%
<b>ԸՆԴԱՄԵՆԸ ԵԿԱՄՈՒՏ</b>	<b>15,569</b>	<b>11,386</b>	<b>-27%</b>	<b>100%</b>	<b>100%</b>
Հատուցումներ	4,819	4,742	-2%	98%	98%
Կապ. ծախսեր	75	82	9%	2%	2%
Գործառնական ծախսեր	8	11	33%	0.21%	0.23%
<b>ԸՆԴԱՄԵՆԸ ԾԱԽՍԵՐ</b>	<b>4,903</b>	<b>4,835</b>	<b>-1%</b>	<b>100%</b>	<b>100%</b>

\*Կամուրջ - ՀՀ կառավարության կողմից ֆինանսավորվող ծրագիր՝ նախքան ԶԻՆԱՊԱՅԻ շահառու դառնալը ծանր վիճակում կամ անհետ կորած զինծառայողներին հատուցում տալու համար: 2020 թվականի դեկտեմբերից սկսած այս ծրագրով ամսական 300,000 ՀՀ դրամի չափով հատուցումներ են իրականացվում իրավասու շահառուներին:

\*\* ՀՀ Կենտրոնական բանկի (ՀՀԿԲ) ներդրում - 2021թ. ընթացքում կատարված բոլոր ծախսերը ֆինանսավորել է ՀՀ Կենտրոնական բանկը: Ֆինանսավորումը կարգավորվում է օրենքով և նախկինում հաստատվել է ԿԲ Խորհրդի կողմից:

\*\*\* Ներառում է 2008-2016թթ. դեպքերի մասով հատուցումները



**2017 թվականից մինչև 2026թ. ԵՌ 1-ի դրությամբ կանխատեսվող արդյունքների համաձայն՝**

- ✔ **Պարտադիր վճարները** ակնկալվում է, որ կկազմեն ընդհանուր ցուցանիշների շուրջ **8%-ը**:
- ✔ **Նվիրատվությունները** կանխատեսվում է, որ կշարունակեն պահպանել իրենց սահմանափակ դերը՝ կազմելով մոտ **1%**:
- ✔ **Ակտիվների կառավարման վերագնահատման արդյունքները** ակնկալվում է, որ կկազմեն շուրջ **28%**՝ ընդգծելով դրանց աճող նշանակությունը ֆինանսավորման ընդհանուր կառուցվածքում:
- ✔ **Հատուցումները** կանխատեսվում է, որ կկազմեն ընդհանուր ցուցանիշի շուրջ **14%-ը**:

ՄԼՆ ՀՀ դրամ	2025	2026թ. ԵՌ 1	2017-2026թ ԵՌ 1	% հարաբ 2026թ.
Պարտադիր վճարներ	49,171	19,494	252,518	8%
Նվիրատվություններ	106	92	9,721	1%
Ակտիվների կառավարում	12,570	14,519	52,440	28%
Հատուցումներ	19,181	20,042	146,484	14%





- 2017–2026թթ. ԵՌ 1-ի ընթացքում ԶԻՆԱՊԱՅԻ հատուցում է տրամադրել **5,511** շահառուի:
- 2026թ. ԵՌ 1-ում հատուցում է տրամադրվել ընդամենը **1** նոր դեպքի, մինչդեռ 2025թ. ԵՌ 1-ում հատուցվել էր **9** նոր դեպք:
- 2026 թ. ԵՌ 1-ի ընդհանուր պատկերը ներկայացվում է ստորև.


### 2026թ. ԵՌ 1 – 1 դեպք



### 2025թ. ԵՌ 1 – 9 դեպք




### 2017-2026թ. ԵՌ 1 – 5,511\* դեպքեր



\*Զինծառայողների վերաբերյալ ներկայացված բոլոր թվային տվյալները արտացոլում են տվյալ հաշվետու ժամանակահատվածի դրությամբ արձանագրված կարգավիճակները:





2017 թվականից մինչև 2026 թ. ԵՌ 1-ը հաշվառված **5,511 շահառուների** բաշխվածությունն ըստ զինծառայողների դասակարգման ներկայացված է ստորև գրաֆիկում: Շահառուների **43%-ը ժամկետային զինծառայողներ** են, **30%-ը՝ զորահավաքային կազմը** (ներառյալ՝ **17% զորահավաքային շարքայիններ**, **2% զորահավաքային սպաներ**, ինչպես նաև **11% պայմանագրային սպաներ**): **19%-ը պայմանագրային շարքայիններ** են, իսկ **8%-ը՝ կամավորականներ**: Մինևույն ժամանակ, **պարտադիր սպայական կազմը** կազմում է շահառուների ընդամենը **0.3%-ը**:





# 2017-2026ԹԹ. ԵՌ 1-Ի ԿՏՐՎԱԾՔՈՎ ԱՄՓՈՓ ՊԱՏԿԵՐԸ

**1**

ՆՈՐ հատուցման դեպք 2025թ. ԵՌ 1-ում և 5,511  
դեպքեր 2017-2026թթ.

**4.7 մլրդ ՀՀ դրամի**

հատուցումներ 2026թ. ԵՌ 1

**131.1 մլրդ ՀՀ դրամի**

հատուցում 2017-2026թթ. ԵՌ 1-ի դրությամբ՝  
զոհվածներին, անհայտ բացակայողներին և  
հաշմանդամության իրավունքով շահառուներին

**39%**

պարտադիր վճարների նվազում 2026թ. ԵՌ 1-ում՝  
2025թ. նույն ժամանակահատվածի համեմատությամբ

# ԶԻՆԱՊԱՀԻ Նվիրատվությունները՝ 2017-2026թթ. առաջին եռամսյակների կտրվածքով



2017-2026 թթ. ԵՌ 1-ում ԶԻՆԱՊԱՀԸ ստացել է շուրջ **9.7 միլիարդ ՀՀ դրամի նվիրատվություններ** (առանց Կամուրջ ծրագրի): Նվիրատվությունների ընդհանուր քանակը ակնկալվում է, որ կհասնի մոտ **97,000-ի**, իսկ մեկ նվիրատվության միջին չափը կկազմի շուրջ **100,000 ՀՀ դրամ**: Նվիրատվությունների հիմնական մասը շարունակել է իրականացվել հատկապես հակամարտությունների սրացման ժամանակաշրջանում:

2020թ. պատերազմից հետո նվիրատվությունների ծավալները շարունակում են նվազել և ներկայումս ակնկալվում է, որ կկայունանան ավելի ցածր մակարդակում՝ կազմելով **106 միլիոն ՀՀ դրամ 2025 թվականին** և շուրջ **91 միլիոն ՀՀ դրամ՝ 2026թ. ԵՌ 1-ի ՍԳ-ի արդյունքներով**, ինչը վկայում է նոր բազային մակարդակի ձևավորման մասին:

2026 թ. ԵՌ 1-ում, նախորդ տարվա նույն ժամանակահատվածի համեմատ, ընդհանուր նվիրատվությունները նվազել են **55%-ով**՝ շարունակելով 2020 թվականից հետո ձևավորված նվազման միտումը: Այս դինամիկան

արտացոլում է նվիրատուների ակտիվության և ներգրավվածության նվազումը, որի պայմաններում նվիրատվությունները գնալով ավելի հաճախ կրում են **պարբերական և իրադարձություններով պայմանավորված բնույթ**, այլ ոչ թե շարունակական և կայուն հոսքերի տեսք:

Բացի այդ, մեկ նվիրատվության միջին չափը ևս արձանագրել է **47% նվազում**: Նվիրատվությունների հոսքերի վրա շարունակում են ազդեցություն ունենալ նաև արտաքին գործոնները, ներառյալ աշխարհաքաղաքական և ֆինանսական սահմանափակումները (այդ թվում՝ միջսահմանային փոխանցումների հետ կապված սահմանափակումները):

Նվիրատվությունները կատարվում են ինչպես բանկային փոխանցումների միջոցով, այնպես էլ **zinapah.am** պաշտոնական կայքի միջոցով՝ ապահովելով նվիրատուների համար հասանելի և թափանցիկ գործընթաց:

2017-2026թթ. նվիրաբերությունները ըստ արժույթի, ԵՌ 1 ՍԳ									
Արժույթ՝ 000	2017-2020	2021	2022	2023	2024	2025	2026 RE	2017-2026 ԵՌ 1 ՍԳ	2026 ԵՌ 1 համեմատ. 2025 ԵՌ 1
<b>ՀՀ դրամ</b>	4,676,538	739,093	301,333	173,750	87,650	68,982	65,157	6,112,417	-6%
<b>Դոլար</b>	4,833	879	492	233	191	89	65	6,783	-27%
<b>Ռուբլի</b>	115,069	6,517	455	1	2	NA	NA	NA	NA
<b>Եվրո</b>	798	122	34	20	31	6	5	1,017	-22%
2017-2026թթ. նվիրաբերությունները ՀՀ դրամով, ԵՌ 1 ՍԳ									
<b>AMD</b>	7,280,467	1,290,065	508,062	273,307	171,279	106,146	91,808	9,721,134	-14%
Նվիրատվությունների քանակ	44,576	25,976	12,665	5,209	4,167	2,401	2,100	97,094	-13%
Նվիրատվությունների միջին չափ	163	50	40	52	41	44	44	100	-1%

2017-2026թթ. նվիրաբերությունները ըստ արժույթի, ԵՌ 1			
Արժույթ՝ 000	2025 ԵՌ 1	2026 ԵՌ 1	2026 ԵՌ 1 համեմատ. 2025 ԵՌ 1
<b>ՀՀ դրամ</b>	27,951	12,713	-55%
<b>Դոլար</b>	14	6	-57%
<b>Ռուբլի</b>	NA	NA	NA
<b>Եվրո</b>	2	1	-63%
2017-2026թթ. նվիրաբերությունները ՀՀ դրամով, ԵՌ 1			
<b>ՀՀ դրամ</b>	34,367	15,308	-55%
Նվիրատվությունների քանակ	627	529	-16%
Նվիրատվությունների միջին չափ	55	29	-47%



## Գործընկերային կապերի հաստատում և ընդլայնում

ԶԻՆԱՊԱՅԻ շարունակում է ամրապնդել իր գործընկերային կապերը հիմնադրամների, հասարակական կազմակերպությունների և բարեգործական հաստատությունների հետ՝ նպատակ ունենալով աջակցել գինձառայողներին և նրանց ընտանիքներին: Այս գործընկերությունները միտված են շահառուների սոցիալական, ֆիզիկական և հոգեբանական բարեկեցության ապահովմանը՝ համակարգային և շարունակական նախաձեռնությունների միջոցով:

Շահառուների անձնական զարգացմանն ու երկարաժամկետ բարեկեցությանը նպաստելու նպատակով ԶԻՆԱՊԱՅԻ իր գործընկեր կազմակերպությունների հետ նախաձեռնել է սոցիալական ինտեգրման և զարգացման մի շարք ծրագրեր, որոնց համար մշակվել է ամբողջական պլան՝ 2026թ. առաջնահերթություններով:

ԶԻՆԱՊԱՅԻ քազմաթիվ խորհրդակցական հանդիպումներ է կազմակերպել պետական մարմինների, ՀԿ-ների և գործընկեր հիմնադրամների հետ՝ միավորելու ջանքերը հետևյալ ուղղություններով՝

- ✔ **Կրթություն և հմտությունների զարգացում**
- ✔ **Տնտեսական ինտեգրում և զբաղվածություն**
- ✔ **Ձեռնարկատիրություն և բիզնեսի խթանում**
- ✔ **Համայնքային ընդգրկում և կայունության ձևավորում**

Հավատարիմ իր առաքելությանը՝ ԶԻՆԱՊԱՅԻ աջակցությամբ և միջնորդությամբ մի շարք համատեղ նախաձեռնություններ են իրականացվել տարբեր կազմակերպությունների հետ գործընկերությամբ: Այս նախաձեռնությունները նպատակ ունեն տրամադրել թիրախավորված աջակցություն և համապատասխան տեղեկատվություն, ինչպես նաև խթանել շահառուների սոցիալական ինտեգրումը Հայաստանի ողջ տարածքում:



## Համագործակցություն Innobiz հասարակական կազմակերպության հետ

2025թ. հունիսին ստորագրված փոխըմբռնման հուշագրի շրջանակում ԶԻՆԱՊԱՅԻԸ շարունակել է համագործակցությունը Innobiz-ի հետ՝ նպաստելու շահառուների շրջանում ձեռնարկատիրության զարգացմանը և տնտեսական հնարավորությունների ընդլայնմանը:

ՄԱԿ-ի Բնակչության գործունեության հարցերով հիմնադրամի հետ համագործակցությամբ Innobiz-ը մեկնարկել է **Ցատկ ծրագիրը**, որը նախատեսված է խոցելի խմբերում ընդգրկված **19–40 տարեկան կանանց և աղջիկների համար**, ովքեր բնակվում են Կոտայքի, Արագածոտնի, Տավուշի և Սյունիքի մարզերում: ԶԻՆԱՊԱՅԻԸ աջակցել է նախաձեռնությանը՝ իրականացնելով շահառուների թիրախավորում, իրազեկման և ներգրավման աշխատանքներ:

Համագործակցության արդյունքում ծրագրին գրանցվել է ԶԻՆԱՊԱՅԻ **127 շահառու**, այդ թվում՝ **Արցախից տեղահանված 12 շահառու**: Շահառուները մասնակցել են **Innobiz Academy**-ի կրթական ծրագրին, ներգրավվել մենթորական հանդիպումներում և մշակել բիզնես մոդելներ:

Ընդհանուր առմամբ ծրագրի ամբողջ փուլն ավարտել է **85 մասնակից**, որոնցից **16-ը** դիմել են **WoW Foundation**-ի դրամաշնորհային ծրագրին՝ GIZ-ի հետ համագործակցությամբ, իսկ **12-ը**՝ **Ցատկ ծրագրի** դրամաշնորհային փուլին:

Արձանագրված արդյունքները վկայում են համագործակցության արդյունավետության մասին՝ շահառուների կարողությունների զարգացման և տնտեսական ինքնուրույնության խթանման ուղղությամբ:



## Համագործակցություն Ազնավուր հիմնադրամի հետ

Ազնավուր հիմնադրամը հայտարարել էր **Այրիների տնտեսական գորակցման ծրագրի** հայտերի ընդունման մեկնարկի մասին:

Ծրագրի նպատակն էր աջակցել կին շահառուներին՝ զարգացնելով նրանց ձեռնարկատիրական հմտությունները և տրամադրելով նպատակային ֆինանսական աջակցություն սեփական բիզնեսի ստեղծման կամ ընդլայնման համար:

Ծրագրին կարող էին մասնակցել ինչպես սկսնակ, այնպես էլ արդեն փորձ ունեցող կին ձեռնարկատերեր: Դրամաշնորհի ստանալու նախապայմաններից էր մասնակցի կողմից ծրագրի ընդհանուր բյուջեի առնվազն **10%-ի չափով սեփական ներդրման ապահովումը**:

Դրամաշնորհը տրամադրվում էր իրավաբանական անձանց: Ֆիզիկական անձ դիմորդները, շահառու ճանաչվելու դեպքում, պարտավոր էին մինչև պայմանագրի կնքումը ՀՀ օրենսդրությամբ սահմանված կարգով գրանցվել որպես **անհատ ձեռնարկատեր (ԱՁ) կամ սահմանափակ պատասխանատվությամբ ընկերություն (ՍՊԸ)**:

Համագործակցության արդյունքում ԶԻՆԱՊԱՅԻ շահառուները դիմել են ծրագրին, որոնցից **մեկ շահառու հաջողությամբ հաղթահարել է ծրագրի բոլոր փուլերը և ճանաչվել դրամաշնորհի ստանալու իրավունք ունեցող շահառու**:



## Համագործակցություն ՀԱՅՈՐԴԻ հիմնադրամի հետ

Հայորդի հիմնադրամի կողմից իրականացվող **Հայրենի Տների Կառուցում** ծրագիրը շահառուների բնակարանների կահավորման նպատակային աջակցության նախաձեռնություն է:

Յուրաքանչյուր ընտանիքի համար ծրագրի միջին արժեքը կազմում է շուրջ **800,000–1,000,000 ՀՀ դրամ**, որի շրջանակում շահառուներին տրամադրվում է առաջին անհրաժեշտության կահույք՝ ինքնարժեքով: Շահառուների ընտրությունն իրականացվում է ըստ դիմումների հերթականության՝ առաջնահերթություն տալով առավել խոցելի ընտանիքներին:

Համագործակցության արդյունքում ծրագրին դիմել է **11 ընտանիք**: Իրականացվել են տնայցեր և կարիքների գնահատումներ, որոնց արդյունքում **5 ընտանիք ճանաչվել է համապատասխանող և ստացել ամբողջական կահավորման աջակցություն**:

Մի ընտանիքի դեպքում արձանագրվել է բնակարանի վերանորոգման անհրաժեշտություն, ինչի պատճառով ծրագրին մասնակցությունը հետաձգվել է մինչև համապատասխան աշխատանքների ավարտը:

Նախաձեռնությունը արտացոլում է շահառուների կենսապայմանների բարելավման ուղղված **թիրախային և կարիքահեն մոտեցումը**:



## Շահառուների հետ հանդիպումներ

Հաշվետու ժամանակահատվածում ԶԻՆԱՊԱՅԻ Տավուշի մարզի Իջևան քաղաքում կազմակերպել է շահառուների հետ հանդիպում՝ նպատակ ունենալով ամրապնդել հիմնադրամի առաքելությունը, խորացնել շահառուների հետ կապը և ներկայացնել նրանց իրավունքներին, հասանելի ծրագրերին և ծառայություններին վերաբերող կարևոր տեղեկատվություն:

Այս հանդիպումները կարևոր հարթակ են երկկողմ հաղորդակցության համար՝ հնարավորություն տալով շահառուներին բարձրաձայնել իրենց խնդիրներն ու հարցերը և ստանալ անմիջական պատասխաններ՝ կառուցվածքային հարցուպատասխանի ձևաչափով:

## Հանդիպումների ընթացքում բարձրացված հիմնական հարցերն ու առաջարկությունները վերաբերում էին՝

- ✔ Ամսական հատուցումների տրամադրման ժամկետի հնարավոր երկարաձգմանը (20 տարվանից ավելի) և հատուցումների գումարների հնարավոր ինդեքսավորմանը՝ հաշվի առնելով առկա գնաճը,
- ✔ Բանկերի փոփոխություններին և գումար ստանալիս հաճախ հանդիպող ուշացումներին,
- ✔ Առողջապահական ծառայությունների հասանելիության բարելավմանը, առողջության ապահովագրության վերաբերյալ հարցադրումներին:

Քննարկումները վերահաստատեցին, որ շահառուները շարունակում են առերեսվել մի շարք խնդիրների և մարտահրավերների, որոնք պահանջում են հստակեցում, շահերի ներկայացում և նպատակային աջակցություն:

Նման հանդիպումների միջոցով շարունակական ներգրավվածությունը մնում է կարևոր գործիք վստահության ձևավորման, առաջացող կարիքների բացահայտման և շահառուակենտրոն լուծումների մշակման համար: ԶԻՆԱՊԱՅԻ շարունակելու է հետևողականորեն իրականացնել այս նախաձեռնությունները՝ ապահովելու իր շահառուների համար երկարաժամկետ և նշանակալի ազդեցություն:



## Աջակցող ծրագրեր ենթաբաժին Zinapah.am կայքում

2025թ. ԶԻՆԱՊԱՅԻԸ zinapah.am կայքում գործարկեց նոր ենթաբաժիններ՝ [Աջակցող ծրագրեր](#) և [Օգտակար հղումներ](#), ընդլայնելով շահառուների համար տեղեկատվության և հնարավորությունների թվային հասանելիությունը: Այս բաժիններում պարբերաբար թարմացվում են տեղեկություններ ԶԻՆԱՊԱՅԻ գործընկեր կազմակերպությունների կողմից իրականացվող ծրագրերի, ինչպես նաև Հայաստանի պետական մարմինների կողմից նախաձեռնված ծրագրերի մասին:

Այս նախաձեռնության հիմնական առավելություններից մեկն այն է, որ **շահառուները կարող են անմիջապես դիմել ներկայացված ծրագրերին**, ինչը բացում է նոր հնարավորություններ սոցիալական աջակցության, մասնագիտական ուսուցման, կրթության և անձնական զարգացման համար: Լայն իրազեկվածություն և հասանելիություն ապահովելու նպատակով նոր ենթաբաժինները ակտիվորեն ներկայացվել են **ԶԻՆԱՊԱՅԻ 2025թ. ընթացքում անցկացված ամսական մարզային հանդիպումների շրջանակում**, որոնց ընթացքում շահառուներին ծանոթացրել են հասանելի ծրագրերին և մասնակցող գործընկեր կազմակերպություններին:

Այս նախաձեռնությունը միտված է **ԶԻՆԱՊԱՅԻ աջակցման ցանցի ամրապնդմանը և շահառուների կարողությունների զարգացմանը՝** ռեսուրսների նկատմամբ հասանելիության բարելավման միջոցով, նպաստելով նրանց սոցիալական և տնտեսական հաջող վերաինտեգրմանը և վերահաստատելով ԶԻՆԱՊԱՅԻ հանձնառությունը երկարաժամկետ, կայուն ազդեցության ապահովման ուղղությամբ:





Ցանկանում ենք մեր խորին շնորհակալությունը հայտնել Հայաստանի և ամբողջ աշխարհի բոլոր անհատներին, կազմակերպություններին/համայնքներին, ովքեր կատարել են իրենց պարտադիր դրոշմանիշային վճարումները և անհատական նվիրատվությունները:

Ձեր աջակցության շնորհիվ ԶԻՆԱՊԱՀԸ կարողանում է իրականացնել իր առաքելությունը՝ հոգալ այն զինծառայողների և նրանց ընտանիքների կարիքները, ովքեր իրենց կյանքն ու առողջությունը զոհաբերել են հանուն Հայաստանի և նրա սահմանների անվտանգության:

**ԶԻՆԱՊԱՀ**

**միասին՝ զինվորիս կողքին...**



# ՄԻԱՅԵՔ ՄԵՁ



## ՃԱՆԱԶԵՔ ՄԵՁ

Իմացեք ավելին ԶԻՆԱՊԱՀԻ մասին:  
Այցելեք մեր կայքը, հետևեք մեզ  
սոցիալական հարթակներում:



## ԱԶԱԿՑԵՔ ՄԵՁ

Կատարեք ձեր նվիրատվությունը և աջակցեք  
զինվորներին ու նրանց ընտանիքներին,  
ովքեր զոհաբերել են ամենակարևորը՝ իրենց  
կյանքն ու առողջությունը հանուն Հայրենիքի:



## ՊԱՏՄԵՔ ՄԵՐ ՄԱՍԻՆ

Պատմեք մեր առաքելության և  
կատարած աշխատանքի մասին:



ՆՎԻՐԱԲԵՐԵԼ





# ԶԻՆԱՊԱՀ

ԶԻՆՏԱՌԱՅՈՂՆԵՐԻ ԱՊԱՅՈՎԱԳՐՈՒԹՅԱՆ  
ԱԶԳԱՅԻՆ ՀԻՄՆԱԴՐԱՄ

## ՄԻԱՍԻՆ՝ ԶԻՆՎՈՐԻՍ ԿՈՂՔԻՆ...

@zinapah



zinapah.am

info@zinapah.am

Վազգեն Սարգսյան փող. 26/  
Երևան, 0010, ՀՀ



ԵՎԻՐԱԲԵՐԵԼ